



Aruba Table Tennis Association ta celebra 60 Aña di Existencia den un forma diferente

ORANJESTAD - E deporte conoci como ping pong a ser organisa formalmente den un forma di un organizacion dia 26 di juni 1952 bou di e nomber di Aruba Table Tennis Association (ATTA). Un deporte cu den su 60 aña di existencia tabata tin logronan grandi den e region.

Diamars 26 di juni 2012 ATTA y su miembronan a celebra 60 aña na un manera diferente caminda diversion cu e deporte tabata central.

Pa 5or di atardi e celebracion a inicia cu un discurso di presidente actual, Sue-Ann Leong, contando e muchanan e motibo cu ta tene e celebracion. Despues di esaki e muchanan a haya sorpresa ora a wordo anuncia cu lo tin cuater evento riba e mesun dia aki. E prome evento tabata un evento caminda tur hungado a haya un stoel y mester a hunga sinta. Alan Croes ta gana Michel Kelly den semi-final y e otro semi-final tabata entre Zhao Xi ta gana di Jean Pierre Helmeier. E final entre Alan y Zhao tabata un bataya fuerte pero na final Alan ta keda venci. E di dos evento tabata un evento contrario, pues hunga cu bo otro man, pues. Den e evento aki, Zhao Xi ta bolbe yega final ganando Cheng Kee pa asina titula campeon den e evento aki. E dia ta continua cu e evento di dobel. E evento aki tambe tabata tin su twist. Pa esaki loting a dici di ken ta forma un team caminda cu un hungado fuerte a team up cu un hungado menos bon. Pero esey no ta tur, ATTA a challenge tur e muchanan cu e hecho cu nan tur dos mester a hunga cu solamente un racket! Aki e atletanan Jean Pierre Helmeier y Robert Dirksen ta topa Michel Kelly y Breiner. Un final sigur cu hopi harimento, e ekipo di Jean Pierre y Robert ta titula campeon. Despues di tur e diversion, ATTA ta cera e dia cu e miembronan hoben cu un torneo normal caminda Michel Kelly ta duna tur hende sorpresa titulando



campeon despues di a gana Cheng Kee den final. Pa e miembronan adulto e mesun eventonan aki a tuma luga. Cu presencia di algun ex miembro di directiva y tambe ex hungado, presidente actual Sue-Ann Leong pa 8.30 ta inicia e celebracion dunando honor na miembronan pionero y tambe miembronan cu a forma parti di directiva den pasado. Despues di e discurso, e atletanan ta haya e sorpresa di e diferente

eventonan dibertido cu lo tuma luga. Campeon di Aruba pa hopi aña caba ta demostra cu e ta gana tur hende sinta tambe. Mario Lobo ta gana Alfred Leong den e final di e evento sinta. Aparentemente Mario no ta e miho hungado cu man robes. Aki Mario no ta yega semi-final perdiendo contra Juni Ras. Juni Ras ta logra yega te final caminda e ta topa Michael Ling kende tampoco no por a gane. Pues Juni Ras ta sali vence-

dor di e evento contrario. Den e evento di dobel, pa prome biaha den historia, un mama di un atleta ta titula campeon. Nos ta referi na Celina Munez, kende alabes ta un boluntario ehemplar di ATTA, hunto cu Mario Lobo ta gana Michael Ling y Maikel Rasmijn den final di e evento di dobel cu un racket. Den e singles normal Mario Lobo ta gana di Michael Ling pa mustra cu te ainda ta e ta e campeon di Aruba abso-

luto. Durante e dia, e miembronan di ATTA y tambe miembronan di prensa, a wordo deleita cu musica, snacks y tambe cos di bebe. ATTA a scoge pa no tin premio na e evento aki paso tur e ex miembronan y miembronan actual ta ganado di e celebracion. Sin nan, ATTA no por existi asina hopi aña. Riba facebook: Aruba Table Tennis por mira hopi mas potret di e bunita celebracion aki. □

Land Aruba Openbare verkoop

Op dinsdag 3 juli 2012 om 2.00 uur s'middags zullen op verzoek van de Ontvanger der Belastingen van Aruba ten laste Benihana Restaurant N.V. Gevestigde in Aruba te: J.E. Itrausquin Boulevard # 370 enkele goederen verkocht worden, onder andere:

Computer, tafel's, printer, zesdelig brander, diepfryer, tweedeurige refrigerator, dishwasher, icemaker, diverse potten en pannen, cooler.

De verkoop vindt plaats op bovenstaande adres U kunt alleen contant betalen en met Arubaanse florin. U kunt de goederen een uur voor de verkoop bekijken.

De belastingdeurwaarder.



Servicio di Impuesto

Land Aruba Openbare verkoop

Op dinsdag 3 juli 2012 om 10 uur s'morgens zullen op verzoek van de Ontvanger der Belastingen van Aruba ten laste Hooters NV Gevestigde in Aruba te: J.E. Itrausquin Boulevard # 370 enkele goederen verkocht worden, onder andere:

Dishwasher, icemaker, speakers, coolers, freezer, grote deep fryer, elektrische rol luik, stainless steel stoof, vierdelige werktafel, snijmachine.

De verkoop vindt plaats op bovenstaande adres U kunt alleen contant betalen en met Arubaanse florin. U kunt de goederen een uur voor de verkoop bekijken.

De belastingdeurwaarder.



Servicio di Impuesto